

Proton e.MAS 7 Catat Penghantaran Keseluruhannya Sebanyak 5,811 Unit, Kekal No. 1 EV di Malaysia

Detik bersejarah tercipta dengan pelancaran kilang EV di Tanjung Malim, yang menyasarkan untuk menghasilkan Proton e.MAS 7 pemasangan secara tempatan pertama dalam masa terdekat.

SUBANG JAYA, 17 September 2025 – Proton New Energy Technology Sdn Bhd (PRO-NET), anak syarikat PROTON, hari ini mengumumkan bahawa Proton e.MAS 7 sekali lagi mengekalkan kedudukannya sebagai kenderaan elektrik No. 1 di Malaysia bagi bulan Ogos 2025. Jumlah penghantaran telah mencecah sebanyak 5,811 unit dari 1 Januari hingga 31 Ogos, merangkumi 5,455 unit jualan tempatan dan 356 unit dieksport ke 4 pasaran antarabangsa.

Dengan pencapaian ini, Proton e.MAS 7 kini telah menjadi kenderaan elektrik paling laris di Malaysia selama lapan bulan berturut-turut, mengekalkan kedudukannya sebagai peneraju pasaran sejak awal tahun. Berdasarkan data pendaftaran terkini JPJ, model ini terus menguasai pasaran sehingga separuh kedua tahun 2025, dengan 5,455 unit didaftarkan pada bulan Ogos dan jumlah keseluruhan setakat ini mencecah 5,811 unit. Dengan pegangan pasaran sebanyak 24%, hampir satu daripada setiap empat EV yang terjual di Malaysia ialah Proton e.MAS 7.

“Kami amat berterima kasih kepada semua pemilik Proton e.MAS 7 atas kepercayaan dan sokongan mereka,” ujar Encik Zhang Qiang, Ketua Pegawai Eksekutif PRO-NET. “Proton e.MAS 7 dibangunkan sebagai kereta untuk rakyat Malaysia, dan kami sentiasa mendengar maklum balas pelanggan untuk terus menambah baiknya. Hal ini dapat dilihat melalui pelancaran varian baharu Proton e.MAS 7 pada awal Julai lalu, yang memperkenalkan kemas kini over-the-air serta pilihan warna luaran dan rekaan dalaman baharu.”

“Setiap pencapaian yang kami raih adalah hasil daripada kepercayaan anda terhadap kami, dan kami tetap komited untuk memberikan nilai tambah yang berkekalan serta terus menambah baik pengalaman pemilikan untuk semua rakyat Malaysia,” tambahnya.

Memperkukuh Industri EV Malaysia melalui Pemasangan Tempatan

Pada bulan Ogos 2025 yang lepas telah menandakan satu pencapaian penting dengan perasmian rasmi kilang EV pertama PROTON di Tanjung Malim. Sejak diperkenalkan, Proton e.MAS 7 telah dipasarkan sebagai model CBU (completely built-up) dari China bagi memenuhi permintaan awal. Dengan kemudahan baharu yang sudahpun mula beroperasi, Proton e.MAS 7 akan beralih kepada pemasangan tempatan (CKD) dalam masa terdekat, sekali gus mencatat sejarah sebagai kenderaan elektrik pertama Proton yang dipasang di Malaysia.

Kilang baharu yang terletak di dalam Automotive High Technology Valley (AHTV) ini mempunyai kapasiti sebanyak 20,000 kenderaan setahun, dengan keupayaan untuk ditingkatkan sehingga 45,000 unit apabila permintaan meningkat. Pemasangan tempatan ini akan memperkukuh peranan PRO-NET dalam membangunkan ekosistem EV Malaysia dengan meningkatkan aksesibiliti, mewujudkan peluang pekerjaan, serta menggalakkan penglibatan lebih besar daripada vendor tempatan dalam rantaian bekalan.

Langkah ini turut mencerminkan aspirasi Kerajaan untuk menjadikan Tanjung Malim sebagai hab EV Malaysia. Perdana Menteri Malaysia, Datuk Seri Anwar Ibrahim menyeru pengeluaran EV PROTON pada harga berdaya saing menjelang Sidang Kemuncak ASEAN pada Oktober 2025.

-THE END-

Mengenai Proton e.MAS

Proton e.MAS ialah jenama kenderaan elektrik nasional pertama Malaysia dan sebuah jenama tenaga baharu, merupakan sub-jenama PROTON yang diedarkan oleh PRO-NET. Berperanan penting dalam memperkukuh penerimaan EV serta membina ekosistem jenama, Proton e.MAS komited untuk menerajui peralihan ke arah mobiliti lestari dengan iltizam terhadap inovasi dan kecemerlangan. Rangkaian pengedaran yang semakin meluas, perkhidmatan selepas jualan yang menyeluruh serta ekosistem yang kukuh memastikan setiap pelanggan menikmati pengalaman pemilikan yang lancar dan memuaskan. Misi kami, sejajar dengan PROTON sebagai syarikat induk, adalah untuk INSPIRE CONNECTIONS melalui penyampaian Teknologi Inovatif, Kebolehpercayaan, dan piawaian antarabangsa secara konsisten. Proton e.MAS telah diperkenalkan pada 12 Jun 2024.

Proton e.MAS

Facebook: <https://www.facebook.com/ProtonEMASOfficial/>

Instagram: <https://www.instagram.com/protonemasofficial/>

TikTok: <https://www.tiktok.com/@proton.e.mas/>

Issued by:

PRO-NET

Salawati Mohd Yusoff

Chief Branding Officer

Telephone: +6012-219 4581

Email: salawati@proton.com

Christopher Ng

Manager, PR & Communications

Telephone: +6012-818 7597

Email: christopher@proton.com

Agus Mohd Nawiah

Senior Executive, Public Relations

Telephone: +6017-232 6225

Email: agusmn@proton.com

For media enquiries, please contact H/Advisors Klareco on behalf of PRO-NET:

Menuka Vejasegaran

H/Advisors Klareco

Telephone: +6014 345 2006

Email: menuka.vejasegaran@h-advisors.global